

يا شفيع الأمة في يوم الحشر      لليزورك انتة تحضر بالقبر  
يا حسين انتة نجاتي      وهذا من معتقداتي  
لليزورك انتة تحضر بالقبر

+++

يا حسين آنا اللي عمري ما أعوفك  
ما أخاف القبر لّتي بي أشوفك  
شوفتك حلم اللي زارك واليطوفك  
وخنصرك ما شوفه حصره على اچفوفك

زيارتك يا بو على كل الأمل      بحفرتي يوم اليدفوني الأهل  
تمسح ابايدك رفااتي      وهذا من معتقداتي  
لليزورك انتة تحضر بالقبر

+++

بعد موتي وآنا زرتة شلون بيه  
في ثلاثه امن المنازل يمر بيّه  
في الكتب يوم اّطايير من إليه  
و بالسراط شلون أعبّر خذ بيديه

ساعة الميزان أريدك تلفي لي      لا أظل في حيرتي يا بو علي  
ابجيتك تختم حياتي      وهذا من معتقداتي  
لليزورك انتة تحضر بالقبر

+++

يا شفيع الأمة في يوم الحشر      لليزورك انتہ تحضر بالقبر  
يا حسين انتہ نجاتي      وهذا من معتقداتي  
لليزورك انتہ تحضر بالقبر

+++

بالقيامة الناس كلها في رجاكم  
لا ولد لا مال ينفع بس هواكم  
ابساعه الشدة تجونه من إجاكم  
ما تخيبون الخدمكم وانتخاكم

يوم تندم نفسي عمّا ضيعت      وتذهل الأم بيه عمّا أرضعت  
انتہ تشفع لي ابمماتي      وهذا من معتقداتي  
لليزورك انتہ تحضر بالقبر

+++

من يجيني ابگبري فاتح ليّ باعه  
اشلون صوته اشلون صبري عن سماعه  
يا حسين و آنا طامع في الشفاعة  
يعني انطر موتي لجلك ساعه ساعه

ايكون لو ما تنقذوني أحترگ      وين انطي الوجه وأي باب الأدگ  
صوتك ايانس لي ذاتي      وهذا من معتقداتي  
لليزورك انتہ تحضر بالقبر